

লেক অন্টারিও বন্যায় ক্ষতিগ্রস্ত আটটি কাউন্টিতে প্রস্তুতিমূলক কাজে সহায়তা করতে গভর্নর কুওমো আরও 100জন নিউ ইয়র্ক জাতীয় রক্ষী সদস্য (NEW YORK NATIONAL GUARD MEMBERS) নিয়োজিত করেছেন।

অতিরিক্ত নিয়োজনের ফলে মোট জাতীয় রক্ষী সদস্য নিয়োজনের সংখ্যা 200 তে পৌঁছালো

18টি স্যান্ডব্যাগার, 850,000 এরও বেশি বালির বস্তা, শতাধিক পাম্প, এবং 3,200 ফুটেরও বেশি অ্যাকোয়াড্যাম বর্তমানে ক্ষতিগ্রস্ত কাউন্টিগুলিতে নিয়োজিত করা হয়েছে

অধিবাসী এবং পৌরসভাগুলিকে সাবধানতা অবলম্বনের জন্য গভর্নর অবিরত সনির্বন্ধ অনুরোধ জানাচ্ছেন

সম্ভাব্য লেক অন্টারিও বন্যায় ক্ষতিগ্রস্ত আটটি কাউন্টির প্রস্তুতিমূলক কাজগুলিতে সহায়তা করতে গভর্নর অ্যান্ড্রু এম. কুওমো আজ আরও 100জন নিউ ইয়র্ক জাতীয় রক্ষী সদস্য নিয়োজন করেছেন বলে জানিয়েছেন। এই অতিরিক্ত নিয়োজন জাতীয় রক্ষী সদস্য নিয়োজনের মোট সংখ্যা 200 তে নিয়ে এসেছে। ক্ষতিগ্রস্ত অঞ্চলগুলিতে আজ পর্যন্ত স্টেট 18টি স্যান্ডব্যাগার, 850,000 এরও বেশি বালির বস্তা, শতাধিক পাম্প, এবং 3,200 ফুটেরও বেশি অ্যাকোয়াড্যাম নিয়োজিত করেছে।

"লেকের ধারে থাকা কমিউনিটিগুলির উদ্দেশ্যে: 2017 সালের কথা মনে রাখবেন, সেই বন্যার কথা মনে রাখবেন। জলস্তর সেই একই অঞ্চলে প্রায় ঠিক আগের উচ্চতাতেই আসার সম্ভাবনা থাকবে। 2017 সালে আপনার ক্ষতি হয়ে থাকলে, বন্যা কখন হবে সে জন্য অপেক্ষা করবেন না। অনুগ্রহ করে আপনার স্থানীয় সুপারভাইজার, আপনার স্থানীয় মেজরকে ফোন করুন এবং তাদের বলুন যে আপনার সহায়তা প্রয়োজন তাহলে তারা স্টেটকে ফোন করতে পারবে", **গভর্নর কুওমো বলেন।** "আজ আমরা আরও 100জন জাতীয় রক্ষীকে নিয়োজিত করতে চলেছি। তাহলে আমাদের জাতীয় রক্ষী আছে, আমাদের অ্যাকোয়াড্যাম আছে, আমাদের বালির বস্তা আছে, আমাদের পাম্প আছে, আমাদের লোক নিয়োজিত আছে। কিন্তু বন্যাটি হওয়ার আগে আমাদের জানতে হবে তাদের কোথায় নিয়োজিত করতে হবে।"

গভর্নর লেক অন্টারিওর বন্যায় ক্ষতিগ্রস্ত হওয়ার সম্ভাবনায়ুক্ত ওই আটটি কাউন্টির অধিবাসী ও স্থানীয় আধিকারিকদের তাদের প্রস্তুতি জোড়কদমে চালাবার জন্য সনির্বন্ধ অনুরোধ জানিয়েছেন যেহেতু এই সপ্তাহের শেষের দিকে একটি ধীর গতির ঝড় এই অঞ্চলে প্রবল বৃষ্টিপাত এবং বাতাস বয়ে আনবে। বরফ গলে যাওয়া এবং স্বাভাবিকের থেকে বেশি বৃষ্টিপাতের কারণে সেন্ট লরেন্স নদী এবং লেকের জলের স্তর বেশী আছে বলে প্রবল বৃষ্টি এবং দমকা বাতাস, উপকূলে, বন্যা বা

জলোচ্ছাসের সম্ভাবনা বাড়াবে। এই চরম আবহাওয়া থেকে বাড়ির মালিক এবং ব্যবসাগুলিকে সম্ভাব্য বন্যা থেকে রক্ষা করার জন্য এই অঞ্চলগুলিতে স্টেটের সংস্থানগুলির বিচক্ষণ নিয়োজন প্রয়োজন।

প্রয়োজনীয় যে কোনো সংস্থান সরাসরি NY Responds (নিউ ইয়র্ক রেসপন্ডস), যা স্থানীয় প্রশাসন এবং স্টেট সংস্থা উভয়কেই গুরুত্বপূর্ণ জরুরি পরিস্থিতি-সম্পর্কিত তথ্য এবং সংস্থানের অনুরোধ জমা এবং শেয়ার করতে সক্ষম করে তোলে, তাদেরকে জমা দিতে, গভর্নর স্থানীয় আধিকারিকদেরও তাদের কাউন্টি আপৎকালীন অবস্থার পরিচালকদের (County Emergency Managers) সাথে কাজ করার সনির্ভুক্ত অনুরোধ জানিয়েছেন। জরুরি পরিস্থিতি সম্পর্কিত পরিচালকগণ সেই সময় NY Responds এর সাথে যোগাযোগ করতে না পারলে তারা 518-292-2200 নম্বরে নিউ ইয়র্ক স্টেট পর্যবেক্ষণ কেন্দ্রের (New York State Watch Center) মাধ্যমেও অনুরোধগুলি জমা করতে পারেন।

উপরন্তু, জ্বালানি মজুদের ট্যাঙ্ক এবং অন্যান্য পরিকাঠামো নিরাপদে সংরক্ষিত আছে এবং এই কেন্দ্রগুলি উচ্চ জলস্তরের জন্য প্রস্তুত আছে কিনা তা নিশ্চিত করতে পরিবেশ সংরক্ষণ দপ্তরের (Department of Environmental Conservation) প্লাবন বিশারদরা (spills experts) সক্রিয়ভাবে পোতাশ্রয় এবং উপকূল-সংলগ্ন কেন্দ্রগুলি পর্যবেক্ষণ করছেন।

রাজ্যের কর্মকর্তাদের সাথে গত সপ্তাহে হওয়া মিটিংয়ে আন্তর্জাতিক যৌথ কমিশন (International Joint Commission, IJC) প্রভাব হ্রাস করার জন্য সেন্ট লরেন্স নদীতে রবার্ট মোজেজ-রবার্ট এইচ. সন্ডার্স পাওয়ার বাঁধ (Robert Moses–Robert H. Saunders Power Dam) থেকে জলের প্রবাহ বৃদ্ধি করেছে তাহলেও হ্রদের পানির স্তর গড়ের চেয়ে এক ফুটেরও বেশি রয়েছে এবং এর বৃদ্ধি অবিরত থাকতে পারে।

2017 সালে নিউ ইয়র্কের হাজার হাজার মানুষকে বন্যার সাথে যে লড়াই করতে হয়েছিল তা প্রতিরোধ করতে লেক অন্টারিও সিস্টেম থেকে জলের বহি প্রবাহ সর্বাধিক করার অনুরোধ জানিয়ে এই বছরের গোড়ার দিকে, গভর্নর কুওমো IJC কে লিখেছিলেন। তারপর থেকে, জলের স্তর গড়ের থেকে উঁচুতে থেকেছে এবং আগামী সপ্তাহগুলিতে আরও বাড়বে বলে আশা করা হচ্ছে।

বিভাগের সমন্বিত প্রচেষ্টা এবং সংস্থান নিয়োগ করা ছাড়াও, গ্রেট লেকস বেসিনে চলতে থাকা স্বাভাবিকের থেকে বেশি বৃষ্টিপাত এবং বরফ গলে যাওয়ার জন্য ওন্টারিও হ্রদ এবং সেন্ট লরেন্স নদীতে জলের স্তর বেড়ে যাওয়ার কারণে সম্ভাব্য ক্ষতির প্রভাবগুলি দূর করতে গভর্নর কুওমো স্টেটের পরিবেশ সংরক্ষণ দপ্তরকে (State Department of Environmental Conservation) একটি জেনারেল পার্মিট ইস্যু করার নির্দেশ দিয়েছেন। DEC কমিশনানের ইস্যু করা জরুরি ঘোষণা ভিত্তিক এই পার্মিট, উপকূলবর্তী সম্পত্তির মালিকদের বন্যার কারণে ক্ষতিগ্রস্ত তাদের সম্পত্তির দ্রুত প্রয়োজনীয় মেরামত এবং স্থিতিশীল করার জন্য প্রক্রিয়াগুলিকে দ্রুততর করবে। উচ্চ জলস্তর চলতে থাকবে বলে অনুমান করা হচ্ছে এবং এর ফলে সমুদ্র উপকূলের বিস্তীর্ণ অঞ্চলের ক্ষয় হবে, যা উপকূলবর্তী স্ট্রাকচারগুলির ক্ষতি করবে এবং 2017 সালের বসন্তকালে হওয়া ঐতিহাসিক বন্যার মতো পরিকাঠামোকে বিপন্ন করে তুলবে।

নতুন পার্মিটটি DEC-র ওয়েবসাইটে পাওয়া যাচ্ছে। 30শে এপ্রিল, 2020 অবধি DEC আবেদন গ্রহণ করবে। জেনারেল পার্মিট কর্তৃপক্ষ সেপ্টেম্বর 30, 2020 পর্যন্ত কার্যকর থাকবে।

অনুমোদিত ক্রিয়াকলাপগুলি অন্তর্ভুক্ত করে:

- ক্ষতিগ্রস্ত কাঠামোগুলির মেরামত এবং কোনো বস্তুর প্রতিস্থাপন;
- বিদ্যমান সার্বজনীন সড়ক, সেতু, ইউটিলিটি এবং অন্যান্য সার্বজনীন পরিকাঠামোগুলির মেরামত বা প্রয়োজনীয় সামগ্রী দিয়ে পুনঃনির্মাণ;
- সাময়িক ঠেকনা এবং আস্তরণ দিয়ে বিদ্যমান, কর্মরত ঝড়-দ্বারা ক্ষতিগ্রস্ত আবাস, ডেক, এবং হাঁটার পথগুলিকে স্থিতিশীল করা;
- উপকূলের পলি জমে লেক অন্টারিওর শাখানদীগুলির গতিপথ বন্ধ হয়ে গেলে তা সরানো।

যে সমস্ত বাড়ির মালিক এবং পৌরসভাগুলির পার্মিটগুলি সম্পর্কে প্রশ্ন আছে তারা আঞ্চলিক DEC পার্মিট প্রশাসকের (Regional DEC Permit Administrator) সাথে যোগাযোগ করতে পারেন।

তা ছাড়াও, রাজ্য পরিবহন বিভাগ (Department of Transportation, DOT) ডিপার্টমেন্ট অফ কারেকশন্স অ্যান্ড কমিউনিটি সুপারভিসনের (Department of Corrections and Community Supervision, DOCCS) সহযোগিতায় ওন্টারিও হ্রদের উপকূলে অবস্থিত আটটি কাউন্টিতে বালির বস্তা ভর্তি করার কার্যক্রম পরিচালনা করছে, যেখানে এই বিভাগ 5-12 জন যোগ্য বন্দীকে নিয়োগ করেছে, যারা 260,000 এরও বেশি বালির বস্তা ভরেছেন এবং একটি অ্যাকোয়াড্যাম নিয়োজনের জন্য কাজ করেছেন। পরিস্থিতির যেমন অগ্রগতি হবে, সেই হিসেবে DOCCS অতিরিক্ত কর্মীদের উপলব্ধ করা অব্যাহত রাখবে।

DOT-র ইন্সিডেন্ট কম্যান্ড সিস্টেম এই আবহাওয়ার ঘটনার জন্য সক্রিয় করা হয়েছে এবং রক্ষণাবেক্ষণের কর্মীরা বন্যার আশঙ্কায় হ্রদের উপকূল বরাবর কৌশলগত অবস্থানগুলিতে DHSES সরঞ্জাম, যেমন জলের পাম্প এবং অ্যাকোয়াড্যাম নিয়োগ করেছে। কর্মীরা এছাড়াও প্রতিক্রিয়া সরঞ্জাম প্রস্তুত করছে, নিচু এলাকায় নিষ্কাশন পরিকাঠামো পরিদর্শন করছেন, এবং ধ্বংসাবশেষের জন্য কালভার্টগুলি পরিদর্শন করছেন। নিউ ইয়র্ক স্টেট পাওয়ার অথরিটি অ্যান্ড ক্যানাল কর্পোরেশন (New York State Power Authority and Canal Corporation) প্রভাবিত সমাজে সংস্থান সরবরাহের জন্য সহায়তা প্রদান করেছে।

2017 সালে লেক অন্টারিও, ন্যায়াগ্রা নদীর নিম্নাংশ এবং সেন্ট লরেন্স নদীর উপকূল বরাবর উচ্চ জলস্তরের ঘটনার পর, স্টেট লেক অন্টারিও এবং সেন্ট লরেন্স উপকূলের জন্য 95 মিলিয়ন ডলার বরাদ্দ করেছে। বন্যায় ক্ষতিগ্রস্ত অধিবাসীদের, ছোট ব্যবসা এবং পৌরসভাগুলির সহায়তার জন্য প্রাথমিকভাবে 45 মিলিয়ন মার্কিন ডলারের প্রতিশ্রুতির সাথে পুনরুদ্ধারের কর্মসূচীটি শুরু হয়েছিল। পূর্ববর্তী ত্রাণকে শক্তিশালী করার জন্য এবং পুনরুদ্ধারের প্রচেষ্টার জন্য প্রয়োজনীয় আর্থিক সহায়তা প্রদানের জন্য রাজ্য ও পৌরসভা সুবিধা কার্যক্রম থেকে এটিকে 5 মিলিয়ন মার্কিন ডলারের সম্পূরক অর্থ প্রদান করা হয়েছিল। 2018-19 সালের রাজ্যের বাজেটে পুনরুদ্ধারের প্রোগ্রামের জন্য অতিরিক্ত

40 মিলিয়ন মার্কিন ডলার অন্তর্ভুক্ত ছিল, যা সমুদ্র উপকূল পুনর্গঠন ও স্থিতিশীলতা, এবং বন্যা ও সামুদ্রিক দেওয়াল জরুরি পুনর্নির্মাণের অর্থ পরিশোধ করা সমর্থন করে চলেছে।

###

অতিরিক্ত তথ্য পেতে দেখুন www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)